



Broj: 05-04-20-3766-5/21
Datum: 16.11.2021.godine

U skladu sa Zaključkom Ureda za razmatranje žalbi Filijala / Podružnica Mostar broj: JN2-03-07-1-2940-7/21 od 11.11.2021.godine, Načelnik općine Maglaj donosi

O D L U K A

o nastavku postupka javne nabavke

Član 1.

U skladu sa Zaključkom Ureda za razmatranje žalbi Filijala / Podružnica Mostar broj: JN2-03-07-1-2940-7/21 od 11.11.2021.godine, nastavlja se postupak javne nabavke – izvođenje radova na rekonstrukciji, sanaciji i izgradnji lokalnih puteva, gradskih ulica i trotoara i sl. i isporuka materijala na području općine Maglaj u 2021.godini, broj Obavještenja o nabavci 1140-1-3-60-3-42/21 od 02.09.2021.godine.

Član 2.

Ova Odluka stupa na snagu danom donošenja i ima se objaviti na web stranici Općine Maglaj.

Obrazloženje

Postupak javne nabavke je pokrenut Odlukom o pokretanju postupka javne nabavke za izvođenje radova „na rekonstrukciji, sanaciji i izgradnji lokalnih puteva, gradskih ulica i trotoara i sl. i isporuka materijala na području općine Maglaj u 2021.godini broj:05-04-20-3766/21 od 02.09.2021.godine.

Procjenjena vrijednost javne nabavke je 256.410,26 KM bez PDV-a.odnosno 300.000,00 KM sa uključenim PDV-om.

Javna nabavka je provedena otvorenim postupkom, Obavještenje o nabavci broj 1140-1-3-60-3-42/21 od 02.09.2021.godine.

Odluka o izboru najpovoljnijeg ponuđača broj: 05-04-20-3766-3/21 je donesena dana 08.10.2021.godine.

Na Odluku o izboru najpovoljnijeg ponuđača broj: 05-04-20-3766-3/21 od 08.10.2021.godine, ponuđač „Geo put“d.o.o. Maglaj, putem punomoćnika advokata Rize Mezetović iz Maglaja, je dana 18.10.2021.godine uložio žalbu.

Nakon toga je ugovorni organ donio Zaključak broj: 05-04-20-3766-4/21 od 22.10.2021.godine o obustavi postupka, i kompletan spis zajedno sa izjašnjenjem na žalbu u zakonskom roku, prosljedio Uredu za razmatranje žalbi Filijala Mostar, na dalji postupanje.

Dana 15.11.2021.godine u Općinu Maglaj je zaprimljen Zaključak broj: JN2-03-07-1-2940-7/21 od 11.11.2021.godine od URŽ. Filijala Mostar, da se odbacuje žalba ponuditelja „Geo put“d.o.o. Maglaj, zastupan po punomoćniku advokatu Rizi Mezetoviću iz Maglaja, kao neuredna.

U skladu sa navedenim ugovorni organ donosi Odluku o nastavku postupka javne nabavke.

Pravna pouka.

Protiv ove Odluke nije dozvoljena žalba.

Dostavljeno:

1. Ponudačima 4 x

2. U spis



NAČELNIK OPĆINE
Mirsad Mahmutagić



Broj: 05-04-20-3766-6/21

Datum: 16.11.2021. godine

Na osnovu člana 72. stav 3. Tačka a) Zakona o javnim nabavkama BiH („Službeni glasnik BiH“ broj 39/14), a u vezi sa Odlukom o izboru najpovoljnije ponude broj: 05-04-20-3766-3/21 od 08.10.2021. godine i Dopune Zapisnika o pregledu i ocjeni ponuda broj: 05-04-20-2748-2/21 od 16.11.2021. godine, Općina Maglaj, ovlašteno lice ugovornog organa Načelnik općine Maglaj, **d o n o s i**

ODLUKU

o dodjeli ugovora drugorangiranom ponuđaču

I

Ovom Odlukom se Ugovor za izvođenje radova „na rekonstrukciji, sanaciji i izgradnji lokalnih puteva, gradskih ulica i trotoara i sl. isporuka materijala na području općine Maglaj u 2021. godini“, dodjeljuje drugorangiranom ponuđaču „**Hajdić**“ d.o.o. Maglaj, za ponudenu ukupnu vrijednost (nakon provedenog postupka E-aukcije) u iznosu od 200.000,00 KM bez PDV-a, odnosno **234.000,00KM** sa uračunatim PDV-om, iz razloga što prvorangirani ponuđač „**Mevludin Commerce**“ d.o.o. Sarajevo, nije dostavio traženu dokumentaciju u ostavljenom roku, koji je odredio ugovorni organ.

II

Drugorangirani ponuđač je dužan u roku od pet dana od dana zaprimanja ove odluke dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Ugovorni organ će po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor.

IV

Za realizaciju iste zadužuju se Služba za urbanizam, geodetske imovinsko pravne poslove općine Maglaj.

V

Donošenjem ove Odluke prestaje da važi Odluka o izboru najpovoljnijeg ponuđača broj:05-04-20-3766-3/21 od 08.10.2021. godine.

VI

Odluka se ima objaviti na web stranici Općine Maglaj u skladu sa čl. 70. stav 6. Zakona o javnim nabavkama BiH i bit će upućena svim ponuđačima koji su učestvovali u postupku javne nabavke.

O b r a z l o ž e n j e

Odlukom o pokretanju postupka, broj 05-04-20-3766/21 od 02.09.2021. godine, pokrenut je postupak javne nabavke, otvoreni postupak za izvođenje radova „na rekonstrukciji, sanaciji i izgradnji lokalnih puteva, gradskih ulica i trotoara i sl. isporuka materijala na području općine Maglaj u 2021. godini“.

Predmetna javna nabavka objavljena je na Portalu javnih nabavki, obavještenje o nabavci broj 1140-1-3-60-3-42/21 od 02.09.2021. godine. Kriterij za dodjelu ugovora je najniža cijena. Predmetni postupak je provela Komisija za javne nabavke, imenovana Odlukom broj 05-45-1-599/21 od 14.04.2021. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63.stav 5. i 65. stav 2. Zakona o javnim nabavkama.

U predmetnom postupku, Komisija je utvrdila sljedeće:

Blagovremeno su zaprimljene četiri ponuda. Neblagovremenih ponuda nije bilo. Nakon pregleda i ocjene ponuda, a prije zakazivanja e-aukcije, Komisija je utvrdila da su sve ponude prihvatljive.

Ugovorni organ je na osnovu člana 70. Zakona o javnim nabavkama BiH, te na osnovu preporuke Komisije za javne nabavke donio Odluku o izboru najpovoljnije ponude broj: 05-04-20-3766-3/21 od 08.10.2021. godine za izvođenje radova „na rekonstrukciji, sanaciji i izgradnji lokalnih puteva, gradskih ulica i trotoara i sl. isporuka materijala na području općine Maglaj u 2021.godini“, prihvaćena je ponuda ponuđača „Mevludin Commerce“ d.o.o. Sarajevo u konačnom iznosu od 188.000,00 KM bez PDV-a, odnosno 219.960,00 KM sa PDV-om, nakon odtzane E-aukcije.

Odluka o izboru najpovoljnije ponude broj: 05-04-20-3766-3/21 od 08.10.2021. godine je dostavljena svim ponuđačima.

Ponuđač „Mevludin Commerce“ d.o.o. Sarajevo u skladu sa tačkom 3.1.2., tačkom 3.3., i tačkom 3.4.2. tendersko dokumentacije nije u ostavljenom roku po prijemu Odluke o izboru najpovoljnije ponude broj: 05-04-20-3766-3/21 od 08.10.2021 (primljena dana 12.10. 2021. godine) dostavio traženu dokumentaciju, tako da je u smislu člana 72. stav 3. tačka a) Zakona o javnim nabavkama BiH („Službeni glasnik“, broj 39/14), u kojem je navedeno da „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog zakona...“.

Komisija za javne nabavke je dana 16.11.2021.godine, održala sastanak na kojem je konstatovala da ponuđač „Mevludin commerce“ d.o.o. Sarajevo je propustio da u ostavljenom roku dostavi originale ili ovjerene kopije tražene dokumentacije, što je navedeno u Dopuni Zapisnika broj 05-04-20-3766-2/21 od 16.11.2021.godine, kao i da se postupak nastavlja nakon donesenog Zaključka broj: JN2-03-07-1-2940-7/21 od 11.11.2021.godine, URŽ Filijala Mostar.

U navedenom Zapisniku Komisija je dala preporuku ugovornom organu da se ugovor dodjeli drugorangiranom ponuđaču čija je ponuda po rang-listi odmah iza ponude ponuđača „Mevludin commerce“ d.o.o. Sarajevo, nakon održane e-Aukcije, odnosno da se ugovor dodjeli „Hajdić“ d.o.o. Maglaj.

Iz navedenih razloga u skladu sa članom 72.stav 3. Zakona o javnim nabavkama BiH, odlučeno je kao u dispozitivu ove odluke.

Protiv ove odluke može se izjaviti žalba, najkasnije u roku od 10 (deset) dana od dana prijema Odluke.

Dostavljeno :
1.Ponudaču 4x
2.U spis.



Općina Maglaj
Načelnik općine
Mirsad Mahmutagić

